

祁縣志目錄

卷一

輿圖

祁縣全圖
八景圖
縣城圖
縣治圖
學宮圖

星野

沿革

卷二

疆域

坊村
市集附

山川

形勢 水利附

城池

堡寨 武備附

關梁

驛遞附

卷三

縣治

行署 倉場附

學校

出賦

丁賦
稅課附

卷四

風俗

物產

鹽法附

古蹟

墳墓
坊表附

祠廟

寺觀附

封爵

誥贈附

卷五

職官

名宦

卷六

選舉

列目 徵 鑒 感 拔 副 歲
例 貢 生 監 例 位 職 員 武 秩 鄉 耆 附

卷七

鄉賢

卷八

人物 一

卷九

人物 二

孝友 支 苑 尚 義 飭 行 仙 釋 方 位

卷十

列女

藝文

制詔勅表序考

卷十一

藝文

世家傳記

卷十二

藝文

記神道碑

卷十三

藝文 四

墓表

卷十四

藝文 五

墓誌

卷十五

藝文 六

詩 詞 賦

卷十六

雜異

雜紀

邢縣志卷十六

邢縣知縣陳時編輯

祥異

洛書言天五行人五事至念用庶徵則天人氣機相感召休咎時恒若影響歷代五行志所由昉也晉中郭璞李淳風劉義叟輩皆善言法象災異今受其傳者蓋鮮孔子作春秋書災異而不及徵應天道遠而人事邇體微會指修德省愆斯爲明乎天之道而察於民之故也夫志祥異

晉

武帝泰始元年十二月白龍一見太原祁 宋符瑞志

北魏

肅宗熙平二年十一月己未并州表送祁縣民薛僧真

女令姬從母右脇而生靈太后令付掖庭

魏書靈徵志

元

成宗大德七年八月辛卯夜太原徐溝祁縣及汾州平

遙介休西河孝義等縣地震成渠泉湧黑沙

五行志 十

一年八月文水平遙祁霍邑水 元史

明

成祖永樂三年祁縣紫紅都民王文義家馬生龍駒

英宗正統六年大饑

憲宗成化八年七月榆次太谷壽陽祁縣雨雹傷禾人

相食

武宗正德七年黑管見旬餘始息十四年瑞穀一莖四

穗 舊縣志麥秀四岐

世宗嘉靖七年五月雨雹傷麥 八年六月螟蝗食稼

九年大饑 十二年五月空中有聲如雷隕一石

狀如犬首十月星隕如雨光若火天盡赤是年大饑

十五年夏蝗 十六年春正月二日地震 二十

一年縣東南十里小韓村平地湧泉七月朔日食既

風霾晝晦 二十二年賈令鎮王廷臣妻康氏一產

三男 二十三年大水傷稼郭村王世有妻李氏一

產三男一女俱成 二十四年大旱自四月至七月

不雨 二十六年雨雹大如鷄卵傷稼 二十九年

夏四月八日風霾晝晦 三十四年十二月十二日

夜地震修善村薛明妻李氏一產三女 三十九年

饑 四十年大饑人食草木 四十一年大稔 四

十五年夏蝗秋霜傷稼

隆慶三年六月黑昏見兩月而息 四年冬木介 五年夏雨雹傷麥七月暴風雨拔樹是年疫 六年五月風霾晝晦如夜地震有聲

萬曆四年七月二十四日雨雹大如鷺卵傷屋瓦野獸八年疫 九年大疫 十年三月七日風霾晝晦十三日地震有聲自二月至六月不雨六月一日日食十八日雨雹猛風拔木 四十七年四月風霾晝晦

國朝

順治二年地震三次 三年蝗 四年夏六月二十二
至二十七連日飛蝗蔽天長亘六十里濶四十里集
樹枝幹臃腫委垂或爲之折是年大饑賑之 五年
大水傷稼 七年十月朔日食旣 八年夏五月雨
雹大如拳秋杏復花王村都王正名妻孫氏一產二
男一女 九年夏霪雨四旬餘水溢漂沒田廬蕩徙
林木六月大雨雹山禽死者蔽流而下秋杏復花
雍正元年平定壽陽徐溝祁縣饑

詔內閣學士田文鏡會同巡撫賑濟

乾隆三十四年六月十七日大風拔木 四十二年四

月初七日地震

咸豐十一年正月初四日卯刻無風無雲忽降細土寸
餘其色近黃其年大有 八月初一日卯刻五星聯
珠日月合璧

同治元年七月十五日戌時星隕如雨約二時許 二
年二月初七日大風連日

光緒三年丁丑大饑人食草木

詔免徵發帑賑濟

差前工部侍郎閻敬銘會同巡

撫曾國荃督辦賑務救饑民明年戊寅復大旱賑如

初

同初
六月廿五日
八月廿五日
九月廿五日
十月廿五日
十一月廿五日
十二月廿五日

合
初
二
三
四
五
六
七
八
九
十
十一
十二

初
二
三
四
五
六
七
八
九
十
十一
十二

初
二
三
四
五
六
七
八
九
十
十一
十二

初
二
三
四
五
六
七
八
九
十
十一
十二

初
二
三
四
五
六
七
八
九
十
十一
十二

初
二
三
四
五
六
七
八
九
十
十一
十二

雜紀

志有雜紀近於稗編小說家言故王仲德壇祀白狼
王仲翔射仆朽木雖事載正史不入本傳若溫太真
之制母服議祔配王文康朝會分東西班皆有關典
制然文畧而義類無附亦列之雜紀備軼事也他如
溫王族系及鵬舉摩詰輩逸蹟韻事并爲據入以供
菽苑塵談焉志雜紀

祁姓

太原

徵音帝堯伊祁之後祁氏有三晉獻公孫英食

采于祁遂以爲氏又隰叔之後又黃帝後祁與祈通

祁夜覆姓英賢傳祁大夫之後

續祁覆姓姬姓晉隰叔之後與士氏同族祁奚舉子午

自代父子相續爲政因氏

漢溫亦封枸侯孫何始居太原祁縣何十四世孫晉江

州刺史始安忠武公溫嶠從子楷隨桓謐奔於後魏

太原王氏世居祁縣後徙平州至縉從侯希逸南遷居

河內溫縣子智興宣武節度使太和初以破李固捷

勲封雁門郡王

烏丸王氏霸長子殷後漢中山太守食邑祁縣五世孫

允懋懋七世孫罔後魏度支尙書護烏丸校尉廣陽侯因號烏丸王氏生神念

晉建武元年以溫嶠爲散騎侍郎嶠以母亡值寇不臨殯葬欲營改葬固讓不拜元帝詔曰溫嶠不拜以未得改卜葬送朝議又頗有異同爲審由此邪天下有闕塞行禮制物者當使理可經通古人之制三年非情之所盡蓋存亡有斷不以死傷生要經而服金草之役者豈營官邪隨王事之緩急也今桀逆未梟平陽道斷奉迎諸軍猶未得徑進嶠特一身於何濟其

私艱而以理闕自疑不服王命邪令三司八座門下
三省內外羣臣詳共通議如嶠比吾將親裁其中於
是太宰西陽王羨司徒臨潁公組驃騎將軍卽邱子
導侍中紀瞻尙書周顛散騎常侍荀邃等議以昔伍
員挾弓去楚爲吳行人以謀楚誠志在報讐不苟滅
身也溫嶠遭難昔在河朔日尋干戈志刷讐惡萬里
投身歸赴朝廷將欲因時竭力憑賴王威以展其情
此乃嶠之志也無緣道路未通師旅未進而更中辭
王事留志家巷也以爲誠宜如明詔於是有司奏曰

案如衆議去建武元年九月下辛未令書依禮文父
喪未葬惟喪主不除以他故未葬人子之情不可居
殯而除故期於畢葬無遠近之斷也若亡遇賊難喪
靈無處求索理絕固應三年而除不得故從未葬之
例也若骨肉殲於寇害死亡漫於中原而繼以遺賊
未滅亡者無收殯之實存者又闕於奔赴之禮而人
子之情哀痛無斷輒依未葬之義久而不除若遂其
情則人居無限之喪非有禮無時不得之義也諸如
此皆如東闕故事限行三年之禮畢而除也唯二親

生離吉凶未分服喪則凶事未據從吉則疑於不存
心憂居素出自人情有如此者非官制之所裁今嶠
以未得改卜奔赴累設疾辭案辛未之制已有成斷
皆不得復遂其私情不服王命以虧法憲參議可如
前詔嶠受拜重告以中丞司徒諸如嶠比者依東闕
故事辛未令書之制嶠不得已乃拜是時中原喪亂
室家離析朝廷議二親陷沒寇難應制服不太常賀
循曰二親生離吉凶未分服喪則凶事未據從吉則
疑於不存心憂居素允當人情元帝令以循議爲然

太興二年司徒荀緝云二親陷沒難萬無一冀者宜使依王法隨例行喪庾蔚之云二親爲戎人所破存亡未可知者宜盡尋求之理尋求之理絕三年之外便宜婚宦後嗣不可絕王政不可廢故也猶宜以哀素自居不豫吉慶之事待中壽而服之也若境內賊

亂蕩平肆眚之後尋覓無蹤跡者便宜制服

晉書禮志

驃騎將軍溫嶠前妻李氏在嶠微時便卒又娶王氏何氏並在嶠前死及嶠薨朝廷以問陳舒三人並得爲夫人不舒云禮記其妻爲夫人而卒而後其夫不爲

大夫而附於其妻則不易牲妻卒而後夫為大夫而
耐於其妻則以大夫牲然則夫榮於朝妻貴於室雖
先夫沒榮辱常隨於夫也禮記曰妻耐於祖姑祖姑
有三人則耐其親者如禮則三人皆為夫人也自秦
漢以來廢一娶九女之制近世無復繼室之禮先妻
卒則更娶苟生加禮則亡不應貶庶蔚之云賤時之
妻不得並為夫人若有追贈之命則不論耳嶠傳贈

王何二人夫人印綬不及李氏

元和七年太學博士
韋公肅議鄭餘慶私

廟二人配曰謹按晉駮騎
大將軍溫嶠相繼有
三妻疑並為夫人以問大學博士陳舒舒議以妻雖

先後榮辱並隨夫也禮祔於祖姑祖姑有三人則各耐舅之所生如其禮意三人皆夫人也秦漢以來諸侯不復一娶九女既生娶以正禮沒不可貶自後諸儒咸用舒議

劉淵左部居祁

晉載記

苻氏末祁縣王仲德戰敗與家屬相失路經大澤困未

能去卧林中有一小兒青衣年可七八歲騎牛行見

仲德驚曰漢已食未仲德言飢小兒去須臾復來得

飯與之食畢欲行而暴雨莫知津逕有一白狼至前

仰天而號號訖啣仲德衣因渡水仲德隨後得濟與

兄戲相及復棄翟遼奔太山追騎急夜行忽見前有

元鼎志 卷一六
猛炬導之乘火行百餘里以免後臨徐州於彭城立
佛寺作白狼童子像於塔中以在河北所遇也仲德
卒亦於廟立白狼童子壇每祭必祀之

南史

北魏熙平初中尉東平王匡博召辭人以充御史同時
射策者八百餘人温子昇與盧仲宣孫搴等二十四
人爲高第於時預選者爭相引決匡使子昇當之皆
受屈而去搴謂人曰朝來靡旗亂轍者皆子昇逐北
遂補御史

後魏書

王叔玠居郡從文中子求讀經文中子曰叔父通何德

以之哉珪曰勿辭也當仁不讓於師况無師乎吾聞
關郎之筮矣屯否之後當生大賢世習禮樂莫若吾
族天未亡道振斯文者非子誰與遂受業焉

中說

王績高祖武德初以前官待詔門下省故事官給酒日
三升或問待詔何樂耶答曰良醞可戀耳侍中陳叔
達聞之曰給一斗時稱斗酒學士貞觀初以疾罷復
調有司時太樂署史焦革家善釀績求爲丞吏部以
非清流不許績請曰有深意竟除之革死妻送酒不
絕歲餘又死績曰天不使我酣美酒耶棄官去自是

太樂丞爲清職追述革酒法爲經又採杜康儀狄以
來善酒者爲譜李淳風曰吾酒家南董也所居東南
有磐石立杜康祠祭之尊爲師以革配著醉鄉記以
次劉伶酒德頌其飲至五斗不亂人有以酒邀者無
貴賤輒往著五斗先生傳 王績傳

王無功被召謝病時橫裁桑節杖直剪竹皮巾鶴警琴
亭下鶯啼酒甕春顏回唯樂道原憲豈傷貧 西清詩話

王右丞維工人物山水筆意清潤畫羅漢佛像至佳平
生喜作雪景劒閣棧道羸岡曉行捕魚雪灘村墟等

圖其畫輞川圖世之最著也蓋其胸次瀟灑意之所
至落筆便與庸史不同 畫史

王維居輞川宅宇旣廣山林亦遠而性好溫潔不容浮
塵日有十數掃飾者使兩童專掌縛帶而有時不給
洛陽要記

王摩詰貯蕙蘭用黃磁斗養以綺石累年彌盛得宋之
問藍田別墅在輞口輞水周於舍下竹洲花塢與道
友裴迪浮舟往來彈琴賦詩嘯詠終日在京師以元
談爲樂齋中無所有唯茶鎗酒日經案繩牀而已退

元鼎元 卷一
朝之後焚香獨坐以禪誦爲事 玉壺水

王維王縉以科名文學冠絕當代時人日朝廷左相筆

天下右丞詩 杜陽編

石甕寺兩壁皆王右丞山水畫也會昌寺毀失之鄭嵎

津陽門詩烟中壁碎摩詰畫 詩話

王維爲岐王畫一大石信筆塗抹自有天然之致王寶
之時采蔥間獨坐注視作山水想悠然有餘趣數年
之後風雨飛去 嬋媛記

王維種紅蕉於朝川莊嘗寫蕉池積雪不徒以供揮灑

也郊九成詔雪霽詩何當爲置王摩詰更添幾葉紅

芭蕉 詩話

余見王右丞山莊圖又雪霽捕魚圖山莊樹葉皆如個
字其雪霽枯樹圖似郭熙二卷皆無欵疑宋人臨摹
也 陳繼儒書畫史

王維畫小輞川摹本筆細在長安李氏人物好此定是
真若比世俗所謂王維全不類或傳宜興楊氏本止
摹得文彥博太史小輞川折下唐跋自連直還李氏
一日同出坐客皆言太史者真唐張彥遠名畫記云

類道子又云雲峯石色絕迹天機筆思縱橫參於造化孫氏圖僅有之餘未見此趣

畫史

趙大年畫乎遠絕似右丞秀潤天成真宋之士大夫畫此一派又轉爲雲林雲林工綴不皴而荒率蒼古勝矣今作乎遠及扇頭小景一以此二人爲宗使人玩之不窮味外有味可也畫家之妙全在烟雲變滅中米虎兒謂王維畫見之最多皆如刻畫不足學也唯以雲山爲墨戲此語雖似過正然山水中着意生雲不以墨染當以墨漬出令如氣蒸冉冉欲墮乃可稱

生動之韻

論畫瑣言

范大珪字君錫富鄭公婿同行相國寺以七白金常賣處買得雪霽圖破碎甚古如世所謂王維者劉伯玉相值笑問買何物因衆中展示伯玉曰此誰筆余曰王維伯玉曰然適行一遭不見其有所歸乎余假范人持之良久并范不見翼日去取云已送西京矣同行梅子平大怒曰吾證也可理於官豈有此理余笑曰吾故人也因以贈之今二十年矣范卒已十年不知所在

米芾畫史

王晉卿收江南畫小雪山二軸易余歲餘小木一筆纏
起作枝葉如草書不俗後易書與蘇之友李伯時云
其父所收失去知在晉卿家不知歸余恨不得易云
王維筆非也 同上

江干初雪圖真跡藏李邦直家唐螭本世傳爲摩詰所
作未有元豐間王禹玉蔡持正韓玉汝童子厚王和
甫張邃明安厚卿七人題詩建中靖國元年韓師樸
相邦直厚卿同在二府時前七人者所存惟厚卿而
已持正貶死嶺外禹玉追貶子厚方貶玉汝和甫遂

明則死久矣故師樸繼題其後曰諸公當日聚巖廊
半謫南荒半已亡惟有紫樞黃閣老再開圖畫看瀟
湘是時邦直在門下厚卿在西府紫樞黃閣謂二人
也厚卿復題云曾遊滄海困驚瀾晚涉風波路更難
從此江湖無限興不如祇向畫圖看而邦直亦自題
云此身何補一毫芒三辱清時政事堂病骨未爲山
下土尚尋遺墨話存亡余家有此摹本併錄諸公詩
續之每出慨然自元豐至建中靖國幾三十年諸公
之名宦亦已至矣然始皆有願爲圖中之遊而不暇

得故禹王云何日扁舟載風雪却將簑笠伴漁人玉
汝云君恩未報身何有且寄扁舟夢想中其後廢謫
流竄有雖死不得免者而江湖間此景何處不有皆
不得一償厚卿至爲危辭蓋有激而云豈此景無不
可得亦自不能踐其言耳

石林詩話

王維渭城曲一曰陽關乃送元二使安西詩也後被於
歌

唐人詩話

唐詩記事作送客詩元姓二行也其名不見於史出使
安西貞觀十四年平高昌置安西大都護府顯慶二

年徙龜茲都督府復治西州東盡焉耆西連疏勒南

隣吐蕃北拒突厥今安西城在陝西靜虜衛陽關三疊圖譜

孟浩然王摩詰詩自李杜而下當為第一老杜詩云不

見古人王右丞又云吾憐孟浩然皆公論也彥潤詩話

客以按樂圖示王維無題識維徐曰此霓裳第三疊最

初拍也客未然引工按曲乃信西陽雜俎

朱慶餘過孟浩然舊居詩平生誰見重應只是王維詩序

王維官給事中晚築輞川別業後捨為清源寺杜甫崔

氏東山草堂詩何為清莊王給事柴門空閉鎖松筠

味摩詰之詩詩中有畫觀摩詰之畫畫中有詩詩曰藍

溪白石出玉川紅葉稀山路原無雨空翠濕人衣

別集

舊傳陽關三疊然今世歌者每句再疊而已若通一首

言之又是四疊皆非是或每句三唱以應三疊之說

則叢然無復節奏予在密州有文勳長官者以事至

密自云得古本陽關其聲宛轉淒斷不類向之所聞

每句皆再唱而第一句不疊乃知古本三疊蓋如此

及在黃州偶得樂天詩云相逢且莫推辭醉聽唱
關第四聲注云第四聲勸君更盡一杯酒以此驗之
若第一句再疊則此句爲第五聲今爲第四聲則第
一句不疊審矣

東坡詩話

劉禹錫初貶名還又忤宰相被黜十年再召還與歌者
何戡詩曰二十餘年別帝京重聞天樂不勝情舊人
唯有何戡在更與慙懃唱渭城謝枋得云夢得怨舊
時之害已者今無一存唯一妓獨在不勝情三字極
有味按此則右丞之詩在唐時已入詞曲矣

陽關三疊譜

秦太虛云右丞此絕句近世又歌入小秦王更名陽關
今雙調有曰小陽關又見大石

同上

王右丞出塞作第三句暮雲空磧時驅馬又七句玉靶
角弓珠勒馬重一馬字李于鱗諸子俱不能定偶閱
楊用修集云鮑照詩秋霜曉驅雁春雨暗成虹佳句
也又陽休之洛陽伽藍記有北風驅雁千里飛雲之
語則暮雲空磧句當作時驅雁無疑矣王元美極賞
敬美定開山幽居爲開士幽居愚竊謂此相校警差

覺勝耳

雜園銘摘

唐

廣德二年僕固懷恩護回紇歸國道太原節度使辛雲
京閉關不敢犒軍懷恩怒頓軍汾州使裨將李光逸
以兵守祁監軍駱奉先還奏狀顏真卿言懷恩將士
皆郭子儀舊部若以子儀代之必相從而歸子儀至
河中懷恩子瑒攻榆次未拔追兵於祁責其緩鞭之
是夕偏將焦暉白玉等斬其首懷恩北渡河走靈武

唐書

王忠嗣鎮太原以女韞秀歸元載載岐山人也久而見

唐書卷一百一十五
卷十六
輕於王之親屬韞秀勸載游學載因爲詩別曰年來
誰不厭龍鍾雖在侯門似不容看取海山寒翠樹若
遭霜霰到秦封韞秀答曰路掃饑寒跡天哀志氣人
休零離別淚攜手入西秦乃同入秦求舉載旋舉明

莊老文列四子科

唐詩紀事

王方翼嘗夜行見長人丈餘引弓射仆之乃朽木也

述異

記

溫庭筠思神速多爲人作文大中未試有司廉視尤謹
庭筠不樂上書千餘言然私占授者已八人嘗過淮

南丐錢揚子院夜醉爲邏卒擊折其齒

唐書

溫庭筠述懷詩采地荒遺野爰田失故都注子先祖國朝公相晉陽佐命食采於并汾也

溫庭筠嘗得一句云蜜官金翼使徧於知識無人可屬

久之自聯其下曰花賊玉腰奴子以謂道盡蠶蜨

清異

錄

勅鄉貢進士溫庭筠早隨計吏夙著雄名徒負不羈之才罕有適時之用放騷人於湘浦移賈誼於長沙尙有前席之期未爽抽毫之思可隨州隋縣尉舍人裴

坦之詞也庭筠字飛卿彥博之裔孫也詞賦詩篇冠絕一時與李商隱齊名時號溫李連舉進士竟不中第至是謫爲九品吏進士紀唐夫嘆庭筠之寃贈之詩曰鳳皇詔下雖承命鸚鵡才高却累身

東觀奏記

溫飛卿任太學博士主秋試李濤衛丹張郃等詩賦皆榜於都

同上

桑道茂居有二柏甚茂曰人居而木蕃者去之木盛則土衰土衰則人病乃以鐵數千鈞埋其下復日後有發其地而死者太和中溫造居之發藏鐵而造卒

顯異

錄

溫造道遇左補闕李虞恚不避捕從者笞辱左拾遺舒
元褒等建言故事供奉官惟宰相外無屈避造棄茂
典禮無所畏辱天子侍臣凡事小而關分理者不可
失失之則亂所由生遺補雖卑侍臣也中丞雖高法
吏也侍臣見陵則恭不廣法吏自恣則法壞聞元和
長慶時中丞呵止不半坊今乃至兩坊謂之籠街造
擅自尊大忽僭擬之嫌請得論罪帝乃詔臺官供奉
官共道路聽先後行相值則揖中丞傳呼不得過三

百步 會要

段成式與溫庭筠雲藍紙詩賦序曰予在九江出意造

雲藍紙輒分送五十枚其詩曰三十六鱗充使時數

番猶得表相思蓋龍八十一鱗鯉三十六鱗也至宋

景文詩云君軒結戀蕭蕭馬尺素愁憑六六魚又使

六六三十六也 彥周詩話

溫憲光啟中及第為山南從事李巨川表述其淹屈曰

蛾眉先妬明妃為去國之人猿臂自傷李廣乃不獲

之將何晦撫言

荆燕蒲坂人爲詩雅正十哲之一也後客王重榮被害
唐詩紀事重榮鎮河中燕投詩曰祇向國門安四海
不離鄉井拜三公重榮甚加禮敬竟以凌轢諸從事

受正平之禍

客譚

王仁裕知貢舉取王溥爲狀元溥時年二十六後六年
溥拜相時仁裕猶致仕無恙賀以詩曰一戰文場拔
趙旗便調金鼎佐無爲白麻驟降恩何極黃髮初聞
喜可知跋勅案前人到少築沙堤上馬歸遲立班始
得遙相見親洽爭如未貴時

石林詩話

士溥五代狀元相周太祖世宗至宋以宮師罷相其父
祚爲周觀察使致仕祚居富貴久奉養奢侈所不足
者未知年壽耳一日居洛陽里第聞有卜者令人呼
之乃瞽者也密問老兵云何人呼我答曰王相公父
也貴極富溢所不知者壽也今以告汝俟出當厚以
卦錢相酌也旣見祚令布卦成交推命大驚曰此命
惟有壽也祚喜問曰能至七十否瞽者笑曰更向上
答以至八九十否又大笑曰更向上答曰能至百歲
乎又歎息曰此命至少亦須一百三四十歲也祚大

喜曰其間莫有疾病否曰並無之其人又細數之曰
俱無祇是近一百二十歲之年春夏間微蓄臟腑
便安愈矣祚大喜回顧子孫在後侍立者曰孩兒輩
切記之是年莫教我喫冷湯水

拊掌錄

王文康公溥初周祖鎮蒲津召置幕府從征李守貞王
景崇得朝臣交結書周祖欲暴其事溥力請焚之後
世宗嘗問漢相李崧蠟瓦書結北虜有記其辭者否
溥曰使崧有此肯以示人耶逢吉輩爲之爾世宗遂

優贈其官

厚德錄

宋故事朝會一品班臺省後乾德二年王溥自同平章事罷爲太子太保上曰溥舊相當寵異之令分臺省班於東西遂爲定制

舊蛾眉班中書門下班分東西向謂之蛾眉班自王溥始王溥罷相歸班

曾紆南遊記

王丞相溥還政閒居四方書牘答報皆手筆然不過百字目前事與親黨相聞勸於紙扎封疊造赤漆小版書其上僕吏以帊蒙傳去雖一時間可發數十公自爲木牋後復加頰拒安抽面以啟閉字濕則能護之

故又有漆方士漆雕開之名

清異錄

仁宗時詔改王溥諡有議欲爲文忠者給事中張揆曰

溥周之宰相國亡不能死安得爲忠乃諡爲文康

紀畧

王祜公家有晉諸賢墨蹟唐相王廣津所寶有永存珍

秘圖刻閣立本畫老子西昇經唐人畫鎖諫圖王冀

公家褚遂良書唐太宗帝京篇太宗見祿東贊步輦

圖錢文僖家書畫最多有大令黃庭經李邕雜蹟錢

宣靖家王維草堂圖周安惠家獻之洛神賦蘇侍郎

家魏鄭公諫太宗圖楚樞密有江都王馮王尚書仲

儀有回文織錦圖

春明退朝錄

金圍太原祁縣降而復叛突合速攻下之

金史

祁縣北白村里猫寨絕險可避兵正統十四年兵圍寨其夜寨中武安王廟刀鳴民家金鐵皆有聲衆懼不祥次日兵解去夜見寨上火光及聞人馬聲疑有備也

府志

縣西北金山有石綠洞深不可測舊志謂昔有持炬入者及半聞流水聲隔水有石門懼不敢進迷其處近訛傳有礦徒聚竊者覓得前洞風從下起不可燭亦

不能示石門之說也未必然

府志

按縣西北金山疑作縣東南紫荆山

玉泉山北相傳昔有鳥食禾逐之不見掘之得水溢與地平遂名馬井

府志

祁縣玉清觀有牡丹甚茂弘治間王府祈移其枝遂槁後有村民由省會歸者途遇女子求載車中及觀下車入叩之則烏有也既而花復盛開人謂花神云

通志

朱彝尊王維伏生圖跋曰王維所畫伏生上有宋思陵題字又曰按中興館閣續錄維所畫濟南伏生圖

神鼎志 卷之六
歸秘閣儲藏故宋元以來題跋獨少

曝書亭集

康熙二十二年山西祁縣劉姓平素無惡不作通邑切齒忽一日自詣縣治兩手自然反接口稱奉縣城隍命投到求本縣起解至府城隍問罪令以爲心疾逐出復來兩手俱無繩而數人擘不可開如此數日令不得已爲具文遣差牒送府城隍至卽焚牒劉卽伏墻下號呼痛楚若受朴者頃刻受刑處俱青黑破爛刑畢起自言府城隍仍發回本縣遊各門示衆仍反接而出若有押者至縣循行各門凡平日所作過惡

一一高聲臚列且云無若劉某爲惡現世受報也遊
畢七竅流血而死觀者日數萬人邑令爲遼陽進士
楊振藻武林諸寅吉言余幼讀徐慶信徵錄所載祁
邑城隍示衆一則確鑿有據心爲之詫異者彌日旣
而嘆彰善癉惡惟神實司其權彼世之非之疑之甚
且冥行不顧者皆惑也壬午冬余膺

簡命來蒞茲土下車後卽詣城隍廟行香瞻仰之次進
父老而詢前事皆茫無以應焉夫神道設教原補政
化之所不及故卽事屬子虛而幽有鬼神一語猶足

以懲創人之逸志况現世受報如諸寅吉所言不過
數十年事竟令其事過輒忘毫無興感可乎用是恭
錄其說俾邗之人咸知天理人心幽明無間官縱可
欺神不可欺而蒸蒸向善之心庶不爲非之疑之冥
行不顧者所惑卽徐子纂言勸戒之意亦藉以大白
矣湘源蔣瑄記

温公喜慢語卞令禮法自居至庾公許大相剖擊温發
口鄙穢庾公徐曰太眞終日無鄙言

王廣淵娶諸葛誕女入室言語始交王謂婦曰新婦神

色卑下殊不似公休婦曰大丈夫不能彷彿彥雲而
令婦人比蹤英傑魏氏春秋曰王廣字公淵王凌子
也有風量才學名重當世與傅嘏等論才性同異行
於世

事見世說新語

邢縣賈令昔叔虞少子封此曰賈伯曲沃武公滅之其
後封狐射姑爲食邑謂之賈季身犯其父也

輪軒記

五代時溫顛邢人唐助教廷筠孫山南從事憲子也顛
克繼其業善以隱僻繪事爲能仕蜀高祖官至常侍
十國春秋有傳

金王景徽字彥美邠人宋宰相溥之後馬定國齋堂集
載其師友六人其一則景徽也贈定國有詩云澗下
松杉已蔽牛溪中蘋藻可供羞故鄉未有終焉計欲
指吳山歸去休

中州集

王阮亭書曰敬讀晉世家丹楓閣書著述滿家篤覽諸
奇書奇字奇畫留連領要注其神善者以廣聞見乃
知名臣大儒行止實蹟俱從學古得來故進則可法
退則可師人生講學之功洵不可一日輟也欣嘆夫
克繼家聲丹楓僊翁有子孫矣因題其堂曰繼美堂

爲永豐令記橋梓之賢顏其額云爾余奉 命祭告

西岳江濱二月二十一日雲而風辰晴渡甲水次邠
縣訪老友楓仲先生見其子永豐令記讀禮家居知
楓仲以辛未觀化作詩弔之記遺余瀧岡阡表云碑
石上有龍爪痕蓋江神借觀故跡又遺傅隱君青主
畫蘭石一軸自題古篆二十八字志此昌明俊偉之
遺冀後世有聞焉

宿衛裴畧試判落第詣僕射溫彥博披訴不理畧自云
能嘲戲彥博回意與語指廳前竹令嘲應聲曰竹風

吹青肅肅凌冬葉不凋經春子不熟虛心未得待國
土皮上何須生節目又今嘲屏牆畧曰高下八九尺
東西六七步突兀當廳坐幾許遮賢路彥博曰此語
似傷博畧曰卽扳公筋何止傷膊彥博笑而與官
野僉載

王縉好與人作碑銘有送潤毫者誤叩其兄門維曰大
作家在那邊
盧氏雜記

祁縣士民奉 憲革除陋弊碑記

雍正二年歲在甲辰祁縣武舉郝培彛閩人龍生員郝培璧具呈 院憲請均平里甲革除陋規奉 大中丞 誥 大藩憲高批示一切陋規盡行革除並諭勒石以垂永久一豎碑於 藩憲衙門一豎碑於縣治大門飭將勒石過碑文刷印呈送存查碑文不及備載特將奉 憲革除陋規款開後

一革每季原差催認狀銀兩

一革戶房每季規禮銀兩

一革每季收書銀兩

一革每季印紅銀兩

一革每季提差銀兩

一革每季倒換散批銀兩

一革每季倒換總批銀兩

一革每季押糧原差銀兩

一革每季總押原差銀兩

一革米豆不許吏役包收隨市價任民自納

一革驛馬廩豆不許照糶私派

一革驛馬革不許私出民間

一革鹽稅不許加五收授

一革春季顏料銀兩

一革夏季黃絲銀兩

一革織絲工匠銀兩

一革秋季續派黃絲銀兩

一革冬季加增黃絲銀兩

一革大場膳錄書手銀兩

一革大科棚場銀兩

一革值日撥發來往差役襍派銀兩

一革巡鹽人役並不發鹽引

一革守城民壯銀兩

一革官農工食銀兩

一革軍廳捕快銀兩

一革詩收管銀兩

一革青夫銀兩

一革三門門上銀兩

一革門子印紅銀兩

一草捕快銀兩

一草燈籠夫銀兩

一草傳事銀兩

一草鋪陳庫子銀兩

一草請印銀兩

一草抵換倉穀不許加三收受輕出重入

一草易買倉穀不許侵尅官價勒索民錢

一草三班人役襍項銀兩

一草宅門門子銀兩

一草禁卒銀兩

一草倉房斗給銀兩

一草更夫銀兩

一草司茶人銀兩

一草水夫銀兩


當年責草蠹役不許復入七名

附載邠縣城規例

本城自有本城應辦差務四鄉自有四鄉應辦差務各照歷來舊規永不許相推相扳今修新志因附識

於此

防秋舖在新韓鎮北左戴家堡二村界內創於康熙三十年因秋禾暢茂奸宄易於潛形特設此舖命北左戴家堡二村防守免其襍項夫役路傍有碑 乾隆三十八年因舊碑損壞重新勒石概仍其舊



捐賑人名序

李芬

世謂救荒無善政予竊以爲不然政豈有善有不善亦視爲之者之所爲何如耳明以前姑弗深考自我

朝定鼎以來迄今二百有餘歲中閒水旱交咨在所時有然或一州一邑甚至二三郡而止從未有赤地千里通省旱災如光緒三年之山右者時予司鐸浮山盤中苜蓿無復闌干照見矣野無青草草本俱無民有菜色色空何有馴至人類相戕幾於析骸易子此時此勢誠有耳不忍聞目不忍見而口不忍質言者豈非二百年來

未有之奇荒十數省未經之大祲耶向非救荒政善幾
何不人盡蟲沙乃

天心仁愛軫念民艱疏奏朝

聞帑藏夕發旣

命爵撫曾公復

差侍郎閻公和衷共濟拯救羣黎一時聞風感動恤鄰輸
粟者且至數省故是歲晉饑平蒲一帶爲甚其得緩須
臾死以再生於今日者皆荷

朝廷疊沛之恩暨官局協濟之力非若我祁之災較輕捐

較駸猶少助荒政於萬一也用能保全通邑救活無算
於戲善哉是役也上賴

聖主賢臣再造民命下藉仁人君子普救衆生無惑乎鑿
心刻骨民之不能忘也不能忘則宜誌誌

國恩誌憲德而獨不誌賑戶也忍乎哉爰附芳名於邑乘
以見嘉善之意云

署知縣蕭樹藩

貴州進士

喬致庸

孫鄂

渠源道

何用之

渠源潮

當行

滙兌庄

崔乾陽

茶行

鄣峻

頡玠

王遵舜

李彭年

許印躔

錢行

彩帛行

油麩行

何乃康

高壽康

頡汝鼎

高錫緒

高昭望

馬蕃

高則光

喬秉天

高鎮華

雜貨行

高康永

段灼

暢建統

高昭冕

帳庄

喬兼金

劉烈

段輝

張謀頌

高則昌

袁錫桓

張廷鑑

楊正宗

戴遵道

孟允若

李六吉

張耀南

馬 閑 張龍標 王崇禮 岳恒德

劉玉溥 劉世和 岳秀掄 郝玉昭

鄧嗣勳 閻大儒 戴鶴立 龐紹畢

盧視遠 孟蓉若 鄧汝翼 楊 鈞

馬 璜 李達舉 王思誠 棉花行

茶 店 王玉琳 劉玉澤 渠世枚

呂生寬 鄧天相 布 行